



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-4343-3/21
Sarajevo, 18.02.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka) Vlada Kantona Sarajevo, na **Devetoj** sjednici održanoj **18.02.2021.** godine, donijela je

ZAKLJUČAK

1. Utvrđuje se prijedlog Zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća.
2. Predlaže se Skupštini Kantona Sarajevo da donese Zakon iz tačke 1. ovog zaključka po skraćenom postupku u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 7/15, 48/16, 9/20 i 14/20).

PREMIJER

Edin Forto

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Kantonalna uprava civilne zaštite Kantona Sarajevo,
6. Evidencija,
7. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211

Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Vlada



Босна и Херцеговина
Федерација Босне и Херцеговине
КАНТОН САРАЈЕВО
Влада

Bosnia and Herzegovina
Federation of Bosnia and Herzegovina

CANTON SARAJEVO
Government

ZAKON

O IZMJENI ZAKONA O NADLEŽNOSTIMA ORGANA VLASTI KANTONA SARAJEVO U OBLASTI ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA

(PRIJEDLOG)

Nosilac izrade:
Kantonalna uprava civilne zaštite

Sarajevo, februar 2021. godine



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



Na osnovu člana 18. stav (1) tačka b) Ustava Kantona Sarajevo („Službene novine Kantona Sarajevo“, br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) i člana 27. stav (2) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, br. 39/03, 22/06 i 43/10) Skupština Kantona Sarajevo, na sjednici održanoj dana _____, 2021. godine, donijela je

PRIJEDLOG

ZAKON
O IZMJENI ZAKONA O NADLEŽNOSTIMA ORGANA VLASTI
KANTONA SARAJEVO U OBLASTI ZAŠTITE I SPAŠAVANJA LJUDI
I MATERIJALNIH DOBARA OD PRIRODNIH I DRUGIH NESREĆA

Član 1.
(Izmjena člana 8.)

U Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08, 19/11 i 45/15) u članu 8. riječi: „Ministar komunalne privrede i infrastrukture“, zamjenjuju se riječima: „Ministar komunalne privrede, infrastrukture, prostornog uređenja, građenja i zaštite okoliša“.

Član 2.
(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: _____
_____, 2021. godine
Sarajevo

Predsjedavajući
Skupštine Kantona Sarajevo
Elvedin Okerić



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



OBRAZLOŽENJE

I – PRAVNI OSNOV

Pravni osnov za donošenje ovog Zakona sadržan je u članu 18. stav (1) tačka b) Ustava Kantona Sarajevo („Službene novine Kantona Sarajevo“, br. 1/96, 2/96 Ispravka, 3/96 Ispravka, 16/97, 14/00, 4/01, 28/04, 6/13 i 31/17) i članu 27. stav (2) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, br. 39/03, 22/06 i 43/10).

Članom 18. stav (1) tačka b) Ustava Kantona Sarajevo je određeno da Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

Članom 27. stav (2) Zakona o zaštiti i spašavanju ljudi i materijalnih dobara od prirodnih i drugih nesreća je propisano da kantoni svojim propisom utvrđuju nadležnosti kantonalnih organa vlasti u izvršavanju poslova iz oblasti zaštite i spašavanja.

II – RAZLOZI ZA DONOŠENJE

Stupanjem na snagu Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“ broj: 50/20) došlo je do promjena u strukturi organa uprave Kantona Sarajevo.

Prema navedenom Zakonu, prestalo je sa radom Ministarstvo prostornog uređenja, građenja i zaštite okoliša, odnosno izvršeno je spajanje dosadašnjeg Ministarstva prostornog uređenja, građenja i zaštite okoliša i Ministarstva komunalne privrede i infrastrukture u Ministarstvo komunalne privrede, infrastrukture, prostornog uređenja, građenja i zaštite okoliša.

Kako je na osnovu člana 8. Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08, 19/11 i 45/15) Komandant Štaba civilne zaštite po funkciji bio Ministar komunalne privrede i infrastrukture, iskazala se potreba da se pristupi izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća.

S tim u vezi, Kantonalna uprava civilne zaštite Kantona Sarajevo pripremila je prijedlog Zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća, koji Vam dostavljamo na daljnji postupak.

III – FINANSIJSKA I DRUGA SREDSTVA POTREBNA ZA PROVOĐENJE ZAKONA I NAČIN NJIHOVOG OBEZBJEĐENJA

Za provođenje ovog Zakona nije potrebno obezbijevati dodatna finansijska sredstva u Budžetu Kantona za 2021. godinu jer su ista već obezbijeđena.

IV – IZJAŠNENJE O USKLAĐENOSTI SA PROGRAMOM RADA SKUPŠTINE I VLADE KANTONA SARAJEVO

Prijedlog Zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća je pripremljen u skladu sa Programom rada Vlade Kantona Sarajevo.

V – OBJAŠNENJE PRAVIH RJEŠENJA SADRŽANIH U ZAKONU

Članom 1. mijenja se član 8. Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća, kojim se vrši usklađivanje sa Zakonom o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo, tako da se određuje da je Ministar komunalne privrede, infrastrukture, prostornog uređenja, građenja i zaštite okoliša u Vladi Kantona Sarajevo, po položaju komandant Štaba civilne zaštite Kantona Sarajevo.

U članu 2. ovog Zakona utvrđeno je njegovo stupanje na snagu.

VI – PROCEDURA DONOŠENJA

Predlaže se utvrđivanje prijedloga i donošenje ovog Zakona po skraćenom postupku u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, br. 41/12 - Drugi novi prečišćeni tekst, 15/13, 47/13, 7/15, 48/16, 9/20 i 14/20) jer nije u pitanju složen i obiman Zakon, odnosno samo se vrši izmjena jednog njegovog člana.



SLUŽBENE NOVINE

KANTONA SARAJEVO

br. 1/96, 2/96 Ispravka, 3/96 Ispravka, 16/97, 14/00, 4/01, 28/04 i 6/13 i 31/17

USTAV KANTONA SARAJEVO

Član 18.

Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

SLUŽBENE NOVINE

FEDERACIJE BOSNE I HERCEGOVINE

Izdavanje na bosanskom, hrvatskom i srpskom jeziku



СЛУЖБЕНЕ НОВИНЕ

ФЕДЕРАЦИЈЕ БОСНЕ И ХЕРЦЕГОВИНЕ

Издање на босанском, хрватском и српском језику

**ZAKON O ZAŠTITI I SPAŠAVANJU LJUDI I MATERIJALNIH DOBARA OD
PRIRODNIH I DRUGIH NESREĆA**

br. 39/03, 22/06 i 43/10

Član 27.

(2) Propisom kantona utvrđuju se nadležnosti kantonalnih organa vlasti u izvršavanju poslova iz stava 1. ovoga člana u skladu sa ovim zakonom.



SLUŽBENE NOVINE KANTONA SARAJEVO

Godina XIII – Broj 39

Četvrtak, 4. decembra 2008. godine
SARAJEVO

ISSN 1512-7052

ZAKON

O NADLEŽNOSTIMA ORGANA VLASTI KANTONA SARAJEVO U OBLASTI ZAŠTITE I SPAŠAVANJA LJUDI I MATERIJALNIH DOBARA OD PRIRODNIH I DRUGIH NESREĆA

Član 8.

(Postavljenja i razrješenja u Kantonalnom štabu)

Komandanta, Načelnika i članove Kantonalnog štaba, postavlja i razrješava Vlada Kantona. Ministar za prostorno uređenje i zaštitu okoliša u Vladi Kantona, po položaju, jeste Komandant Kantonalnog štaba, a Direktor Kantonalne uprave, po položaju, jeste Načelnik Kantonalnog štaba. Sekretar Crvenog križa Kantona Sarajevo je po funkciji član Kantonalnog štaba. Za članove Kantonalnog štaba postavljaju se pomoćnici ministara i drugi rukovodeći državni službenici iz kantonalnih ministarstava i drugih kantonalnih organa uprave i državni službenici Kantonalne uprave, u skladu sa aktom o unutrašnjoj organizaciji Kantonalnog štaba, kojeg donosi Vlada Kantona na prijedlog Kantonalne uprave.

Broj 01-02-32596/08
4. decembra 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.



SLUŽBENE NOVINE

KANTONA SARAJEVO

Godina XX – Broj 45

Četvrtak, 19. novembra 2015. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 12.11.2015. godine, donijela je

ZAKON
O IZMJENI ZAKONA O NADLEŽNOSTIMA ORGANA
VLASTI KANTONA SARAJEVO U OBLASTI ZAŠTITE I
SPAŠAVANJA LJUDI I MATERIJALNIH DOBARA OD
PRIRODNIH I DRUGIH NESREĆA

Član 1.

U Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća ("Službene novine Kantona Sarajevo", br. 39/08 i 19/11) u članu 8. riječi: "Ministar za prostorno uređenje i zaštitu okoliša", zamjenjuju se riječima: "Ministar komunalne privrede i infrastrukture".

Član 2.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-29751/15
12. novembra 2015. godine
Sarajevo

Predsjedavajući
Skupštine Kantona Sarajevo
Sejo Bukva, s. r



SLUŽBENE NOVINE KANTONA SARAJEVO

Godina XXV - Broj 50

Četvrtak, 17. 12. 2020. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) i člana 30. stav (2) Ustava Kantona Sarajevo ("Službene novine Kantona Sarajevo," br. 1/96, 2/96, 3/96, 16/97, 14/00, 4/01, 28/04 i 6/13, 31/17) i člana 46., a u vezi sa članom 73. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Skupština Kantona Sarajevo, na XII Hitnoj sjednici održanoj dana 17.12.2020. godine, donijela je

ZAKON O IZMJENAMA I DOPUNAMA ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO

Član 1. (Izmjene člana 6.)

- a) U Zakonu o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12 -Prečišćeni tekst, 41/12, 8/15 i 13/17), u članu 6. tačka b) se briše.
- b) Tačka c) mijenja se i glasi: "Ministarstvo komunalne privrede, infrastrukture, prostornog uređenja, građenja i zaštite okoliša".
- c) Tačka i) mijenja se i glasi: "Ministarstvo za nauku, visoko obrazovanje i mlade."
- d) Iza tačke i) dodaje se nova tačka j) koja glasi: "Ministarstvo za odgoj i obrazovanje."
- e) Dosadašnje tačke j) do l) postaju tačke k) do m).

Broj 01-02-50253/20
17. decembra 2020. godine
Sarajevo

Predsjedavajući
Skupštine Kantona Sarajevo
Elvedin Okerić, s. r



SLUŽBENE NOVINE

KANTONA SARAJEVO

Godina XXV - Broj 51	Četvrtak, 24. 12. 2020. godine SARAJEVO	ISSN 1512-7052
----------------------	--	----------------

KANTON SARAJEVO

ISPRAVKE

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 -Drugi novi prečišćeni tekst, br. 15/13, 47/13, 47/15, 48/16, 9/20 i 14/20), Sekretar Skupštine Kantona Sarajevo, nakon uočenih štamparskih grešaka u Zakonu o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst, 14/12, 8/15, 13/17 i 50/20), daje sljedeću

ISPRAVKU

ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO ("SLUŽBENE NOVINE KANTONA SARAJEVO", BROJ 2/12 -PREČIŠĆENI TEKST, 14/12, 8/15, 13/17 I 50/20)

2. U Zakonu o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 50/20), u članu 1. koji se odnosi na izmjene člana 6., umjesto slova: a), b), c), d) i e) kojima su označeni stavovi ovog člana, treba da stoje brojevi: 1), 2), 3), 4) i 5).

Broj 01-02-50253-1/20
22. decembra 2020. godine

Sekretar Skupštine
Aida Zekić, s. r



12
101

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-865/20
Sarajevo, 14.01.2021. godine

KANTONALNA UPRAVA CIVILNE ZAŠTITE
Fehima efendije Čurčića 1,
71 000 Sarajevo,
gosp. Jasmin Terović, direktor

034

Bosna i Hercegovina Federacija Bosne i Hercegovine KANTON SARAJEVO Kantonalna uprava civilne zaštite			
MIŠLJENJE:		15.01.2021.	
organizaciona jedinica	klasifikaciona oznaka	broj	broj prijema
		444	

PREDMET: Prijedlog Zakona o izmjenama Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća, mišljenje –
VEZA: Vaš akt, broj: 03-40-44.1/21 od 11.01.2021. godine

Postupajući po Vašem aktu, broj i datum gornji, na osnovu odredbi člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12, 8/15 i 13/17) i člana 7. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 i 2/18-Ispravka), Ministarstvo pravde i uprave razmotrilo je dostavljeni prijedlog Zakona i daje sljedeće


MIŠLJENJE

Prijedlog Zakona o izmjenama Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

Sugerišemo da naziv zakona uskladite sa članom 49. stav (1) tačka a) Pravila i postupaka za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj 71/14) gdje je propisano da ukoliko se vrši jedna izmjena ili dopuna, propis se naziva "o izmjeni" ili "o dopuni".


S poštovanjem,

Dostaviti:
1. Naslovu;
2. a/a.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083
Fax: + 387 (0) 33 562-241
Sarajevo, Reisa Džemaludina Čauševića 1





Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Босна и Херцеговина
Федерација Босне и Херцеговине
КАНТОН САРАЈЕВО
Министарство финансија

21
PB-1

Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-03-11-866/21 A.Z.
Sarajevo, 15.01.2021. godine

Bosna i Hercegovina Federacija Bosne i Hercegovine KANTON SARAJEVO Kantonalna uprava civilne zaštite			
PRIMLJENO: 25.01.2021.			
Organizaciona jedinica	Klasifikacija	Redni broj	Ulog
		13.5	

KANTONALNA UPRAVA CIVILNE ZAŠTITE
Ul. Fehima efendije Čurčića 1.
Sarajevo

Predmet: Mišljenje na Prijedlog zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća

Veza: Vaš dopis, broj: 03-04-44.2/20 od 11.01.2021. godine

Vezano za Vaš zahtjev za mišljenje na Prijedlog zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća, u skladu sa članom 8 Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Kantonalna uprava civilne zaštite je postupila u skladu sa navedenim Pravilnikom i Ministarstvu finansija uz Prijedlog zakona o izmjeni Zakona dostavila na mišljenje popunjen i potpisan obrazac IFP-NE u kojem je data sljedeća izjava: „Za provođenje ovog Zakona nisu potrebna dodatna finansijska sredstva u Budžetu KS za 2021. godinu.“


Obzirom da do današnjeg dana (15.01.2021. godine) nije donesen Budžet Kantona Sarajevo za 2021. godinu i na snazi je Odluka o privremenom finansiranju potreba



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



Kantona Sarajevo za period 01.01.-31.03.2021. godine, u skladu sa Zakonom o budžetima u FBiH („Službene novine FBiH“, br: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i navedenom Odlukom konstatujemo sljedeće: Privremeno finansiranje obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu. U periodu privremenog finansiranja finansiraju se isti programi. Budžetski korisnici ne mogu započeti nove ili proširene programe i aktivnosti dok se ne donese budžet. Nakon isteka privremenog finansiranja ostvareni prihodi i primici te izvršeni rashodi i izdaci uključuju se u budžet tekuće godine.



Dostaviti:

- ① Naslovu
2. MF – Sektor za budžet i fiskalni sistem
3. a/a

Pripremila: Alma Zildžić, mr. oec.

Kontrolisala: Amina Močević, mr. oec.



Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo Vlade
Kantona Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Уред за законодавство Владе
Кантона Сарајево

Bosnia and Herzegovina
Federation of Bosnia and Herzegovina

CANTON SARAJEVO
Office for legislature of Sarajevo Canton
Government

03
1
1

Broj: 09-02-864/21
Sarajevo, 13.01.2021. godine

KANTON SARAJEVO
KANTONALNA UPRAVA CIVILNE ZAŠTITE

Bosna i Hercegovina Federacija Bosne i Hercegovine KANTON SARAJEVO Kantonalna uprava civilne zaštite			
PRIMLIENO:		15.01.2021	
Organizaciona jedinica	Klasifikaciona oznaka	Redni broj	Broj prijema
		14.3	

PREDMET: Stručno mišljenje na prijedlog Zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), Ured za zakonodavstvo Vlade Kantona Sarajevo, daje sljedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjeni Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća (u daljem tekstu: Zakon), po pitanju njegove usklađenosti sa odredbama ustava i odredbama propisa iz oblasti zaštite i spašavanja ljudi i materijalnih dobara od prirodnih i drugih nesreća.

Donošenje Zakona je posljedica njegovog usklađivanja sa novom organizacijom kantonalnih organa uprave, a što je i navedeno u obrazloženju predmetnog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



Ljubović dipl. pravnik



web: <http://vlada.ks.gov.ba>
e-mail: uz@uz.ks.gov.ba
Tel: + 387(0)33 560-449
Sarajevo, Hamida Dizdara 1



